



05497

高季迪先生大全集卷之二

七言古詩

唐昭宗賜錢武肅王鐵券歌

妖兒初下含元殿，天子仍居少陽院。諸藩從此擁連城，朝貢皆停事攻戰。岐王已去梁王來，長安宮闕生蒿萊。天日山前異人出，金戈雙舉風煙開。羅平惡鳥啼初起，犀弩三千射潮水。歸來父老拜旌旗，釀酒搥牛宴鄉里。擊裘駿馬驕春風，錦袍玉帶真英雄。詔書特賜誓終始，黃金鏤字旌殊功。虎符龍節彤弓矢，後

大全集卷八

嗣猶令赦三死，盡言恩寵冠當時。天府丹書未踰此

摩挲舊物四百年，古色滿面凝蒼煙。天祐宰相署名

在，尋文再讀心茫然。古來保族須忠節，受此幾人還

覆滅。王家勲業至今傳，不在區區一方鐵。人生富貴

知幾時，泰山作礪徒相期。行人曾過表忠觀，風雨斷

蘇埋殘碑。

太白三章

太白初升北斗，落行人早起車鳴鐸。豈願身離父母邦，山川路遠非不惡。貧賤未知生處樂

太白正高北斗，低行人出關。羅亂啼他鄉，無人是知



已欲歸未歸東復西弊裘愧見家中妻
太白猶懸北斗沒行人衣上霜拂拂下馬飲酒歌苦
聲新豐主人莫相忽人奴亦有封侯骨

江上看花

兩年京師不見花青衫白馬驅塵沙今年江邊偶無
事狂醉爛熳尋春華遊蜂飛蝶日妍暖紅紫正發紛
交如穿蹊每人鄰媪圍叩門或到山僧家漸老都無
少年樂底用簫鼓隨行車攀條繞樹對吟詠不忍歸
去至日斜花應得我相慰賞似笑欲舞爭矜誇我如
無花亦寂寞閉戶有酒誰能賒夜來茅屋卧聞雨曉
起走看成咨嗟飄英墮萼不可綴餘艷只似銷殘霞
明知春色不久住豈料便去難留遮野鶯啼罷一回
首恨與芳草盈天涯

大全集卷八

二

中秋翫月張校理宅得南字

八月望夜天如藍海色卷霧山收嵐玉盤元沉龍窟
底忽起萬丈誰能探初來空中光尚溼嬌娥寒鬢風
鬢髮人言一年此最好金精水氣秋相涵小星盡去
大星在芒角欲吐敢與參天將洗眼照下土啖食肯
縱好慕貪穿深窺暗不遺隙矍矍忌影逃巖嵌前年
客中憶見之家人怨別方喃喃荒山不知佳節至

首凭案尋書蟬。但怪流輝入敗戶。油燈火燄畱孤龕。
起行陰林不用炬。剝啄獨叩峰西麓。虬虺亂踏心膽。
悸怪影走石。皆楓楠。即呼道人共載酒。放舟直下笑。
蒼潭。翻翻驚鷗落樹杪。吹笛正和鳥飛南。今年在舍。
反寂寞。暗室困卧如僵蠶。乾愁無端負良夜。月固不。
言我則懶。人無賢愚競翫賞。况我清景性所耽。忽憶。
諸君隔河水。持被就宿聆高談。為呼老婢掃庭宇。一。
席盤飢梨與柑。江城重閉萬家寂。樓鼓近聽纔。三。
空堦。凄其覺露泫。虛牖窈窕疑煙含。婆娑欲畱月伴。
影素鸞西下。煩停驂。明宵復出已難似。動別經歲嗟。

大全集卷八

何堪尊前此月。又此客世所難遇。心應語關山。幾處。
未解兵擊柝。不寐愁丁男。南鄰歌舞北鄰哭。月雖同。
照異苦。甘何人為我揮天戈。乾坤多難俱平戡。行者。
得還居者樂。清光所及恩皆覃。懸知此願未易遂。憂。
來舉盞從沉酣。須臾衆散曉蟲急。古桂吹落青甍。純。

送王太守遷雲間

男屠猪羊女醜酒。共禱神祠畱太守。太守今年遷大。
州。除書已下誰能畱。兩州相去無百里。失君應愁得。
君喜。安得如君數十人。一時盡福東南民。

謝陳山人贈其故弟長司所畫山水

卷之第幾是
兄弟文已城看
大翁字孝
河村居都

大髯袖中有廬霍嵐氣噴人寒色薄出贈生綃一幅
圖云是小髯之所作我嘗遊君伯仲間仲今已沒空
見山畫中無限盤礴意使我坐看愁滿顏重屋復澗
迷樵路煙蘿冥冥晝如暮溪閣風生醉客眠野橋月
出歸僧度樞林蒙密楓林高深處似有猩猩號滿空
雲涼動秋思飛泉落日何蕭騷揮毫若此難再得白
鶴何時返鄉國良工自古多苦心留賞人間賴遺墨
南宮北苑皆已仙此圖與之當竝傳坐嗟存歿意難
報作歌愧匪瓊瑤篇

書夢贈徐高士

大全集卷八

真人高居紫霞房靈津夜灌通桃康其神不彫駐景
光名籍早入丹臺藏道成驂蚪面虛皇凌攝楚炁遨
穹蒼下視羣生墮迷方條忽起滅更喜傷我嘗夢遊
至其傍廣庭淨發衆妙香仙媛神官儼成行坐考雲
笈披琳琅稽首歸依大醫王願憫濁世同淪亡龍根
珍脯不可嘗但覺凡火燒肌腸身心俱病孰為攘至
言授我何敢忘空山無人覺在牀海月未落天蒼茫
佐御化鶴來吾鄉朱冠縞衣頰而長篋中活人何所
將苓參朮芴枳桂薑學仙曾聞道非常幸賜大藥和
陰陽誓參飛裾上翱翔人間遍施甘露漿掃除熱惱

俱清涼疾苦不生壽無量

劉松年畫

樵青刺篙勝搖槳。船頭分流水聲響。青山渺渺波漾漾。白鷗飛過時一兩。載書百卷酒十壺。日斜出遊女兒湖。鄰舟買得巨口鱸。醉拍銅斗歌嗚嗚。此樂除却江南無。

題武昌魏槃所藏畫

楚山遠吐參差碧。虛閣開臨繫船石。沙樹凋時鄂渚者。秋江鷗沒處。湘潭夕閣中。幽人坐讀書。書聲入水驚龍魚。欲吹短笛相尋去。黃鶴磯頭好待予。

送葉卿東遊

大全集卷八

五

聞君辭家今幾年。布衣綫斷芒屨穿。江湖夢迴燈火夜。聽雨每憶山中田。兵戈忽斷故鄉路。雖有雨足歸無緣。上書願雪父兄恥。畫地聚米籌山川。居然無成困逆旅。白日但看孤雲眠。時人不容孺生傲。坐客豈信毛公賢。黃金已盡酒徒散。壯士反爲兒女憐。飢吟倚壁氣未餒。有似病鶻棲荒煙。却欲南遊探禹穴。僕夫整駕雞鳴前。波濤翻江畏飢鰥。霧雨連海愁飛鳶。相逢誰肯問憔悴。山水自爲窮人妍。乾坤無家去何止。飄泊不異迴風船。區區願君自愛惜。今古遇合無

非天亂離貧賤何足歎王孫亦在道路邊我今豈少
四方志讀書坐破牀頭瓊恩離雨無欲誰報送子空
歌寶劍篇

題韓長司所藏山水圖

參卿昔在西安募騎馬看山時出郭終南秦華勢最
高橫作秋雲掃寥廓秦川漢苑萬里開酒醒望遠登
荒臺日斜渭上歸人渡岳暗關中飛雨來此處奇觀
絕天下何事歸來猶看畫畫中小景似江南黃葉漁
村見煙舍莫戀江南真故鄉蓴鱸炊熟酒船香美人
不是滄洲客去去宜登白玉堂

煮石山房爲金華山人賦

山人不飯粳稻香笑指白石爲餽糧金華之石猶可
食元是舊牧初平羊荆榛拾歸夜深煮自言久服能
輕舉但令隨處有雲根不問青天旱無雨我生無力
耕西疇視田欲枯抱飢憂便當從君學此術絕勝乞
米監河侯

九日與客登虎丘至夕放舟過天平山

昨日風雨今日晴天意令人作重九登高未用憶龍

山中古竟須尋虎阜秋清人稀葉滿寺屐齒無聲石

苔厚我來但欲問前王不知伯氣銷沉久下穿山骨

葬弓劍。銀海夜寒空。不朽樓臺荆棘。今幾變。英雄誰
似青山壽。十年自歎在塵土。雞鳴起。逐途人走。茲遊
喜出世網外。相攜况是同。心友盤梯共上峰頂塔。欲
觀東海攀北斗。中原不見鴻鴈來。浮雲萬里空回首。
鐘聲催送晚出寺。棲鴉已滿祠前柳。秋風吹林客醉
時。夕陽下嶺僧歸後。山畱好。月續清景乘興夜過漁
村口。放船不覺露沾衣。滅燭始看星在畱。金陵酒熟
來謫仙。赤髯歌殘泣嫠婦。人生此樂信難得。夢幻功
名有時有。他羊何必問誰健。但令不負持螯手。詩成
底用刻山石。爲寄龍門說空叟。明朝來借白雲泉。淨
洗從前千劫垢。

大全集卷八

七

夜發錢清

錢清渡頭船夜開。黃茅苦竹聞猿哀。客官醞酒水神
廟。風雨滿江潮正來。蒸飯炊魚坐篷底。不覺舟行兩
山裏。棹歌早過越王城。東方未白啼鴉起。

草書歌贈張言

昔聞汝祖東吳精。醉傳草聖醒而驚。汝今能飲不滿
杓。逸氣欲與相崢嶸。高堂把筆若把槊。長綃一拂悲
風生。陰垂大澤雷雨過。響破巨峽波濤傾。颺遊絲
罨晴晝。落落高斗回寒更。飲猿連臂深澗絕。飢鶻振

翅荒煙橫自言靜裏觀萬物故能變化窮其情差余
少本好劒舞學書晚方從父兄終焉懶惰不得就塵
滿硯田長廢耕覽時撫事每有感胸次硯碑何由平
空齋往往出怪語吟聲相應飢腸鳴篇成請君爲我
寫墨瀟灑灑鉞從奔崩是時黃雲閉歲暮返照忽出寒
江明手隨意到不留阻正似突騎陰山行令嚴不聞
戈甲響一夜下盡名王城安得師行亦如此頃刻坐
見乾坤清嗚呼神解作歌聊贈汝元止愈使流淚沾衣纓補木

獨遊雲巖寄周砥

城西諸山非不奇我遊獨與茲山宜紅櫻春開山後

大全集卷八

八

寺白水夏滿山前陂幽居况與山不遠鐘鼓每到空
齋帷雨餘煙中落日下曳杖往讀頭陀碑兩厓蒼蒼
石色古杜杷樹高陰滿池殿燈欲昏上羣鼠塔鈴已
靜躡孤鷗興來即遊興盡返迎送豈要山僧知困窮
喪亂豈無感正賴此境忘吾悲嗟君何爲乃自苦破
鸛短策塵中馳挂帆能來亦未晚浦口三日南風吹

練圻老人農隱

我生不願六國印但願耕種二頃田田中讀書暮堯
舜坐待四海昇平年却愁爲農亦良苦近歲征役相
煩煎養蠶唯堪了官稅賣犢未足輸丁錢虬鬚野吏

叩門戶。鄰犬夜吠頻驚眠。雨中投泥東鑿塹。冰上渡
水西防邊。幾家逃。亡。開白屋。荒村古木空。寒煙君獨
胡爲有。此樂無乃地。邇秦溪仙。門前流水野橋斷。不
過車馬唯通船。秧風初涼近芒種。戴勝曉鳴桑樹顛。
短衣行隴自課作。兒子饑後妻耘前。白頭雖復勞四
體。若比我輩寧非賢。旅遊三十不稱意。年登未具粥
與饘。便投筆硯把耒耜。從子共賦幽風篇。

嘗蒲萄酒歌

西域幾年歸。使隔漢宮遺。種秋蕭瑟誰將馬。乳壓瑤
漿遠餉江南渴。吟客赤霞流髓濃。無聲初疑豹血淋。

大合集卷八

九

銀罌吳都不數黃柑釀。隋殿虛傳玉蕊名。聞道輪臺
千里雪。獵騎弓弦凍。皆折。試唱羌歌勸一觴。氈房夜
半天廻熱。絕味今朝喜得嘗。猶含風露萬珠香。牀頭
如能有五斗。不將輕博涼州守。

送高二文學遊錢塘君梁人與余異譜

我家本出渤海王子孫。散落來南方。只今遙承幾世
後。坐棄戰陳談文章。嗟君渡江此相遇。知有遠族猶
居梁。嘗聞四海盡兄弟。况我同姓能相忘。十年近舍
道南宅。歲時拜父登高堂。君年雖少志則壯。不肯與
世相低昂。讀書開閣人罕識。明月夜照聲琅琅。欲將

古道共推挽豈顧薄俗譏迂狂君來不欲是王式我
行或止非臧倉亂離正賴相慰藉何事遠別遊錢塘
錢塘舊國我所到江山自存人已亡鴈鷺長雲暮陂
澹牛羊落照秋陵荒繁華銷盡蒼蒼出君行見此能
無傷西風吹塵扇難障不如歸卧須時康一飢小事
何足道故國尚有霜英黃

贈李外史

仙人飄飄若雲風來去倏忽誰能窮豈惟上界足官
府往往亦在塵埃中我欲尋真向五岳亂後舊路迷
榛蓬天雞未鳴夜谷暗海鶴已去秋壇空丹厓碧澗

大全集卷八

十

瑤草歌洞府一闕無由通陌頭驚逢李道士自說桂
史爲吾翁傍人相傳解起死袖裏有丹如日紅我聞
安期古策士親見楚漢爭雌雄終然濁世不肯住渡
海竟去先飛鴻玄洲東望纔咫尺彩霞幻結金銀宮
何當共赴食棗約三花醉折春濛濛迴看城郭煙霧
杳大笑下士真沙蟲

聽教坊舊妓郭芳卿弟子陳氏歌

時至正己亥歲作

文皇在御昇平日。上苑宸遊駕頻出。仗中樂部五千
人。能唱新聲誰第一。燕國佳人號順時。姿容歌舞總
能奇。中官奉旨時宣喚。立馬門前催畫眉。建章宮裏

長生殿。芍藥初開。勅張宴。龍笙罷奏。鳳絃停。共聽嬌
喉一鶯轉。遏雲妙響發朱脣。不讓開元許永新。繡陛
花驚飄艷雪。文梁風動委芳塵。翰林才子山東李。每
進新詞蒙上喜。當筵按罷謝天恩。捧賜纏頭蜀都綺。
晚出銀臺酒未消。侯家主第強相邀。寶釵珠袖尊前
賞。占斷春風夜復朝。回頭樂事浮雲改。瘞玉埋香今
幾載。世間遺譜竟誰傳。弟子猶憐一人在。曾記霓裳
學得成。朝元隊裏藝初呈。九天聲落千人聽。丹鳳樓
前月正明。狹斜貴客迴車馬。不信芳名在師下。風塵
一旦禁城荒。誰是花前聽歌者。從此飄零出教坊。遠

辭京國客殊方。閉門春盡無人問。白髮青裙不理妝。
相逢爲把雙娥盛。水調梁州歌續續。江南年少未曾
聞。元是當時供奉曲。朝使今年海上歸。繁華休說亂
來非。梨園散盡宮槐落。天子愁多內宴稀。始知歡樂
生憂患。恨殺韓休老無諫。傷心不見昔人歌。汾水秋
風有飛鴈。此日西園把一卮。感時懷舊盡成悲。含情
欲爲秋娘賦。愧我才非杜牧之。

牀屏山水圖歌

畫工知余愛青山。久墮塵網無由還。故將列岫寫屏
障。使我卧起於其間。從此長如宿清境。枕上分明見

峰嶺爐煙曉入帳中飛擁被驚和白雲冷丹崖碧樹
層層開江雨遠逐孤帆來就中樓閣是何處彷彿神
女巫陽臺楚山修竹瀟湘水似有清猿忽啼起江南
千里夢遊歸半牀落月高堂裏

方隱君山園

吳興城南山水勝竹樹參差萬家暎幽深誰似隱君
園車馬不來雞犬靜兩溪迴通柳港曲一峰立對柴
門正東西別墅憐更好孤棹往來隨晚興總令種菜
不種桃新製長鏡木爲柄家童頗解俟天時鄰叟還
能論地性交交林路翳復開活活野泉流不定清晨

大全集卷八

十三

聞鳥欣獨往濃綠潑晴畦色淨老葉垂根孤蚓號殘
英綴梗羣蜂競乍縈新蔓喜籬長欲逆晚芽嫌土硬
此時採擷自足飽肯爲食肝煩縣令古來名園悉可
數金谷辟疆誇獨盛鑿石圓開弄月池買花深作行
春徑愛妾宵陪秉燭宴狎朋晝接流觴詠長年歡樂
豈知極廻首芳菲屬他姓只今誰解問遺蹤斷甕摧
垣無一剩乃知厚業要德守那得衰榮但言命君能
勤儉遺子孫應有佳名書郡乘

觀顧蕃所藏宋賜進士絲鞭歌

臚傳殿下呼名字進士新充探花使內人綰結綵鞭

成恩與宮袍一時賜不用頻將柳下揮馬蹄得意自
如飛影曩夕陽何處去曲江園裏宴初歸天街直拂
花枝過擇堦高樓彩毬墮令人把玩憶當時零落春
風幾縷絲

憶昨行寄吳中諸故人

憶昨結交豪俠客意氣相傾無促戚十年離亂如不
知日費黃金出遊劇狐裘蒙茸欺北風霹靂應手鳴
雕弓桓王墓下沙草白彷彿地似遼城東馬行雪中
四蹄熱流影欲追飛隼滅歸來笑學曹景宗生擊黃
獐飲其血臯橋泰娘雙翠蛾喚來尊前爲我歌白日

太全集卷八

十三

欲沒奈愁何廻潭水綠春始波此中夜遊樂更多月
出東山白雲裏照見船中笛聲起驚鷗飛過片片輕
有似梅花落江水天峰最高明日登手接飛鳥攀危
藤龍門路黑不可上松風吹滅巖中燈衆客欲歸我
不能更度前嶺緣峻嶒遠攜茗器下相候喜有白首
楞伽僧館娃離宮已爲寺香逕無人欲愁思醉題高
髻墨如鴉一半欹斜不成字夫差城南天下稀狂遊
累日忘却歸座中爭起勸我酒但道飲此無相違自
從飄零各江海故舊如今幾人在荒煙落日野鳥啼
寂寞青山顏亦改須知少年樂事偏當飲豈得言無

錢我今自筭雖未老豪健已覺難如前去日已去不可止來日方來猶可喜古來達士有名言只說人生行樂耳

明皇秉燭夜遊圖

華萼樓頭日初墮紫衣催上宮門鎖大家今夕燕西園高熱銀盤百枝大海棠欲睡不得成紅妝照見殊分明滿庭紫燄作春霧不知有月空中行新譜霓裳試初按內使頻呼燒燭換知更宮女報銅籤歌舞休催夜方半共言醉飲終此宵明日且免羣臣朝只憂風露漸欲冷妃子衣薄愁成嬌琵琶羯鼓相追續白日君心歡不足此時何暇化光明去照逃亡小家屋姑蘇臺上長夜歌江都宮裏飛螢多一般行樂未知極烽火忽至將如何可憐蜀道歸來客南內淒涼頭盡白孤燈不照返魂人梧桐夜雨秋蕭瑟

黑河秋雨引賦趙王孫家琵琶蓋其名也

胡天夜裂天垂泣雲壓鷹低翻翅溼髯王醉影抱寒驚攬殿嘈嘈箭鳴急紅冰淚落衰燈下倒卷河流入絃瀉瘦駝卧磧歇鈴車朴朔陰沙鬼行野漢魂私語髻風淒都護營荒咽凍整蘭山木葉連愁起散入塞門三萬里夢斷金蟾隔煙小青塚埋聲秋不曉

期張校理王著作徐記室遊虎阜

前身似是雲水僧餘習愛覓名山登最憐虎阜在平地一丘勢敵于峻嶒缺厓深深翳密葉欹石兀兀纏危藤昔年無事恣幽賞拄杖叩門來屢曾風廊聽竹移廣篔雪屋煨芋明高燈禪堂素壁醉題滿老衲喜客無嗔憎別來三載困塵土散落略盡同遊朋谷猿清叫煙霧隔宵夢欲往天瞢瞢幽懷鬱抱不得寫一月雨聲眠枕肱相親尚有北郭友材盡齊楚慙曹滕張君名駒稟神駿王子快鶻生鋒稜竝淹客館校遺籍雲路萬里違蹇騰徐卿亦是瑚璉器遠役又欲行

大全集卷八

十五

擔簦明朝山鵲定鳴霽跬步可遊何不能一林一澗幽景在遙想與昔無虧增朱櫻綠筍雖已過正愛夏木陰層層欲營此行况甚易婦有藏酒魚新罾出城不必借車馬已辦布韞青行滕吾儕雖窮自有樂相聚豈比蟲蝼蕩亂離撥棄且勿道願賦妙語畱傳騰
廣陵孫孝子愛日堂

昔自中原兵甲動志士憂時久心痛千村殺戮雞犬無骨肉誰家保相共揚州受禍聞最深徒恃堅城鐵爲甕城中義丁一百萬坐委溝谿不成用至今草長鬪牖臺月黑精靈尚哀慟君時負親獨竄匿何異網

魚逢脫縱遠道秋風舊纛空長江暮雨孤帆重揭來
吾鄉今十年孝友爭傳比張仲雖嗟故里未能歸却
喜新堂還可奉盡歡惟啜小人羹致養寧須大官俸
只愁老景苦駸駸西馳疾飛鞚晝看花影願遲
移晚聽角聲驚早弄長繩未解繫飛鳥每計餘年憂
且恐嗟余少已失庭闈宰木亂來無地種欲娛朝夕
難再得誰惜流光去如夢自慚不及君慶多灑淚蓼
莪空廢誦寸心猶願時早平重爲河清作歌頌萬國
同看化日長生能養親死能送

贈胡校書奎

大金集卷八

十六

我初遇子東海濱苧衫蓆帽凌風塵登城觀濤共歎
息見者不識何如人歸時憶近看燈節孤舟夜過黃
岡雪書來書往道加餐幾日相逢五年別再會之計
何悠哉我未及去君能來秋風吹殘太湖水乘興上
得吳王臺吳王臺前白楊柳西施去後吳娃醜四海
同爲此地人百壺獨買誰家酒更尋豪客作夜遊簸
弄明月琵琶洲有愁爲君亦蕩滌何況我輩元無愁
醉中狂談君可恕且共周旋莫歸去秋光已筭逼重
陽好爲黃花三日住

溫陵節婦行

泉州陳氏婦夫泛海溺死守志

妾家溫陵近南浦嫁得良人業爲賈良人長年愛遠
遊不敢新妝映門戶販寶遙聞去百蠻朝朝海上望
青山不仁無那蛟龍橫漂沒孤舟不得還君非渡河
老狂父波濤如山何不顧尋屍便欲赴窮淵膝下嬌
兒誰與哺十載空闈守寸心滄溟水淺恨情深願身
不化山頭石化作孤飛精衛禽

荅余左司沈別駕元夕會飲城南之作時在
園中

大全集卷八

七

青帝行春氣初播雲沍餘陰苦難破江頭碧草生未
長戰馬寒嘶鬣殘莖炊煙冷落雨中溼鄰屋時聞有
啼餓我愁鬱鬱但欲眠可以案書勤自課却思去歲
屬無虞元夕共歡人幾簡高堂細聽落梅歌手擘黃
柑香噴座客酬主勸總忘曉看盡繁燈逐星墮祗今
照市但羣烽樂事淒涼誰復作故人念我有二子省
內郎官府中佐別離兩月不相逢身佩弓刀從戍邏
欲尋舊賞慰勞役笑拂尊前且安坐老兵折簡走相
呼謂我閉門無乃懦黃昏遠就向城南敢惜春衫凍
泥泥軍中有會異尋常牛肉羸肥酒卮大胡奴帳下
出琵琶復拊銀箏與相和燭殘未聽荒雞號絃斷忽

驚哀鴈過須臾顏熱起叫噉不記亂離仍轆轤更聲
折折繞旗門劒匣揩頭容醉卧歸來又辱寄新詩錦
水湔腸珠落唾豪吟自欲繼燕歌悲調豈將同楚些
覽之幾度感深情曲高和難非懶惰我生無力本何
用衣食自來供馬磨雖蒙鄉曲假虛名正似南箕不
堪簸君才於世俱可珍周賈東遊抱奇貨艱危壯氣
喜彌激利器未施寧忍挫頗聞原野多殺傷風雪呻
吟苦無那吾儕斯樂豈易得應愧皇天恩獨荷明年
此夕會昇平把酒相邀更相賀

江上晚過鄰塢看花因憶南園舊遊

大全集卷八

十一

去年看花在城郭今年看花向村落花開依舊自芳
菲客思居然成寂寞亂後城南花已空廢園門鎖鳥
聲中翻憐此地春風在暎水穿籬發幾叢年時遊伴
俱何處祇有聞蜂隨繞樹欲慰春愁無酒家殘香細
雨空歸去

兵後逢張孝廉醇

前年遠別君父子遭亂相傳皆已死今朝南陌忽逢
君爲識人中語音似君言從親渡海濤欲避兵禍辭
官曹間關僅得返鄉里脫命羅網真秋毫問我胡爲
亦憔悴十月孤城陷圍內艱難兩地得俱全政荷皇

天憐我輩相看握手非偶然痛飲豈得愁無錢城中
故舊散欲盡君來使我忘憂怕還思當年事未改車
馬紅塵浩如海等閒列第化秦灰試問主人誰復在
請君看此應感吁世間富貴皆空虛客遊且莫更彈
鈇讀書歸卧先人廬

夜飲丁二侃宅聽琵琶

江月未出明星懸主人飲客夜不眠坐呼伶兒撥四
弦龍頭高撚玉軫圓轉關未奏蘆索先勞嘈咽切斷
復連澀如清澗溜凍泉細若碧樹吟秋蟬忽然繁急
何轟闐風沙滿把撒四筵鴈行驚起飛不聯浮雲落

大合集卷八

九

葉俱綿綿一聲抹斷萬里煙夢入紫塞愁胡天問渠
怨恨有幾千口不能說指爲傳令人悵望思往年梁
園楚榭長周旋帷中曲宴羅綺鮮夜遣飛騎迎嬋娟
低鬟出拜絳燭前文綵香緇搭左肩曲項紫鳳抱半
偏楓香一調妙入玄好手正可羞紅蓮座間豪客皆
詞仙舉杯邀我賦長篇贈之醉寫蜀錦牋可當十萬
纏頭錢如今遠客江海邊欲聞絲音久無緣故人已
散陵谷遷生死流落俱堪憐今宵聽此真偶然顧影
憔悴非昔妍長河欲曙落遠川暫當歡娛反憂煎向
隅無言涕淚連此身如在潯陽船

曉睡

野夫性慵朝不出，弊簣蕭然掩閒室。村深無客早敲門，睡覺長過半簷日。林聲寂寂鳥鳴少，窗影交交樹橫密。此時欹枕意方恬，一任牀風亂書帙。昔年霜街踏官鼓，欲與羣兒走爭疾。如今只戀布衾溫，悟從前計應多失。廚中黍熟呼未起，妻子嗔嘲竟誰恤。天能容老此江邊，無事長眠吾願畢。

東池看芙蓉

江天搖落逢秋杪，滿目殘荷與枯蓼。東家喜有木芙蓉，幾樹繁開依綠沼。穠艷低將流水映，寒香遠逐逋

大全集卷八

二

風裊半愁霜露倚，蒹葭老去徐娘猶窈窕。天公似厭秋冷淡，故發芳叢媚清曉。莫嗟不及見陽春，車馬塵埃相汗少。吳王宮廢斷行客，湘女祠空掩啼鳥。何如此地獨來尋，靜對嬋娟散憂悄。蘭舟雖無美人採，日暮孤吟自行繞。明朝重到恐消魂，零落紅雲波渺渺。

謝廬山宋隱君寄惠所製墨

瓦篝自掃煙埃溼，風雨空山杵聲急。香爐峰前五粒松，燒成片玉玄香濃。寄我團團未磨缺，有如蝕盡天邊月。陶泓日暖水滿池，雲氣忽起秋淋漓。茅屋光寒客心懼，上有蛟龍欲飛去。便思寫檄驚天驕，夜磨楯

鼻冰不銷又思作賦獻天子曉出洛陽價增紙我今年少才不多兩事未能如墨何但學顛狂如醉旭頭髮可濡秋未禿

美人撲蝶圖

花枝揚揚蝶宛宛風多力薄飛難遠美人一見空傷情舞衣春來繡不成乍過簾前尋不見却入深叢避鶯燕一雙撲得和花落金粉香痕滿羅扇笑看獨向園中歸東家西家休亂飛

次韻周詒秀才對月見寄

空林鶴鳴草堂靜桂影亭亭月初正憐君幽卧對中

秋尊酒無人起相命夜深詩成遣寄我自訴窮愁兼疾病嗟余比君愁更多舊感新憂來每併前年看月綠茗園賓客當筵一時盛自吹橫笛倚清歌痛飲不知瓶屢罄去年園中在北郭何異孤豚落深窰登樓強欲攬清輝刁斗連營不堪聽今年旅寓向江渚暫喜東南亂初定閒來未厭戶張羅貧去唯愁室懸磬牧兒耕叟共來往那得衣冠解相敬久居村野坐自鄙銷盡豪懷與狂興風塵無復舊時顏愧見相逢問名姓朋友凋零江海空弟兄離隔關山迥良宵佳月誰可賞羸影窗間竟誰竝迢迢河轉漏初長撼撼葉

鳴風稍勁此時倚壁自孤吟只有蛩聲與杜應初疑
此月定非月應是人間照愁鏡還思人愁月豈知何
苦多憂損情性一生能幾見此月盛年若去尤難更
明宵圓景未便虧落盡芙蓉江色淨君能強起從我
歡共入空明恣游泳直期枕藉向舟中不管遙天垂
斗柄

高季迪先生大全集卷之九

七言古詩

姑蘇臺

金椎夜築西山土，催作高臺貯歌舞。
文身澤國構王基，却笑先人獨何苦。
銅溝玉檻成繁華，幻出峰頭一片霞。
望處直窮三百里，役時應廢幾千家。
蟠空曲路迷仙仗，攀盡瑤梯纔到上。
外繞雕龍宛轉欄，中施繡鳳葳蕤帳。
熏爐長爇鬱金香，共道千齡樂未央。
茂苑月來秋佩冷，洞庭雨過夏綃涼。
當窗衆妓如仙女，揚

大全集卷九

一

袂迎風欲輕舉，人從天上見經過。
烏向雲間驚笑語，日暮橫塘花盡開。
捲簾臺上望王來，宴舟初自觀魚返。
獵騎還從射鹿廻，從登不用持鉞隊。
自列紅妝侍高會，香傳羅帕進黃柑。
縷切鸞刀供玉鱠，燭光遠落太湖波。
驚起魚龍出沒多，城上烏啼河漢轉。
此時誰問夜如何，管絃嘈嘈聒人耳。
不聞兵來渡谿水，欲攜西子走登舟。
醉倚畫欄嬌不起，瞑目無因到甬東。
可憐一炬綺羅空，獻楣竟墮離人計。
賜劔應辜諫士忠，客來試問遺宮路。
物色荒涼總非故，壞衣始信不虛言。
滿地荆榛見零露，當年爭奪苦勞機。
却把江山付

落暉聞說越王臺殿上如今亦有鷓鴣飛

百花洲

吳王在時百花開畫船載樂洲邊來吳王去後百花
落歌吹無聞洲寂莫花開花落年年春前後看花應
幾人但見枝枝映流水不知片片墮行塵年來風雨
荒臺畔日暮黃鸝腸欲斷豈惟世少看花人總來此
地無花看

香水谿

粉痕凝水春溶溶煖香流出銅溝宮月明曾照美人
浴影與荷花相間紅玉肌羞露誰能見只有鴛鴦窺

大全集卷九

二

半面絳綃圍掩怯新涼歸卧芙蓉池上殿空洗鉛華
不洗妖坐傾人國幾良宵驪山更有湯泉在千古愁
魂一種銷

太湖石

沒人采石山根淵投身下試飢蛟涎馮夷不解護潛
竇幾片捧出如青蓮寒姿本是湖水骨波濤激擊應
千年初疑鬼怪離洞府珊瑚鐵網相鈎連嵌空突兀
多異態雲吐夏蒲芝生田龍鱗含雨晚猶潤豹質隱
霧朝常鮮清音叩罷磬韻遠微靨洗出珠窩圍坐移
各岫置庭砌日照彷彿生紫煙三峰削成泰華掌一

穴透入仇池天醉中時到倚蒼蘚秋風冷逼吟詩肩
洛陽園墅汴宮苑當時駢列誇奇妍黃羅封蓋素壇
裏萬里貢獻勞車船奢游事歇家園廢盡什荆棘荒
池邊人生嗜此亦可笑有身豈得如石堅百年零落
竟誰在空品甲乙煩題鐫又嗟此石何獻巧自召鑿
取虧天全不如頑礪世所棄滿山長作牛羊眠

洞庭山

朝登西巖望太湖青天在水飛雲孤洞庭縹緲兩峰
出正似碧海浮方壺嘗聞此山古靈壤蛇虎絕跡歎
樵夫濤聲半夜恐魂夢石氣五月寒肌膚居人彷彿

大合集卷九

三

武陵客戶種橘柚收爲租高風欲起沙鳥避明月未
出霜猿呼中有林屋仙所都銀房石室開金鋪羅浮
峨嵋互通達別有路往非人途天后每降龍垂胡神
鉦忽響驚棲巖自懸日月照洞內古木陰蔽空朝哺
風吹白芝晚易老雲帶紫泉秋不枯靈威丈人亦仙
徒深入探得箇中符玄衣使者不暇惜欲使出拯蒼
生蘇後來好事多繼往石屏篆刻猶堪慕千年玉鼠
化蝙蝠下撲炬火如飛鳥玄關拒閉誰復到似怪衣
上腥塵汗勿言神仙事恍惚靈蹟具在良非誣我生
擾擾胡爲乎坐見白髮生頭顱久欲尋真未能去局

東世故緣妻孥何當臨湖借漁艇拍浪徑渡先雙鳧
獨攀幽險不用扶身佩五岳真形圖夜登天壇掃落
葉自取薪水供丹爐此身願作仙家奴不知仙人肯
許無狂語醉發應盧胡

聖姑廟

湖心湧出鼉頭山白波翠鳥非人寰清虛宜作水仙
府鱗堂荷屋居其間淵都羣靈孰爲主煙鬢儵然一
神女柔姿誰敢狎相親笑叱鼉龍起雷雨玉骨蟬輕
蛻幾秋世緣已斷信無愁采蘭每約湘濱會拾翠時
陪漢上游水禽翔鳴衛芝蓋長在蒼茫杳冥外鮫人

大全集卷九

四

獻綃裁作衣螺女供珠綴爲佩花落閒祠謝古春蕙
幃瑤席掩香塵空山夜夜星河遠芳渚年年蘅杜新
霞舒霧捲凝光彩笑語無聞復誰待冷風幾度引舟
廻宛似蓬萊隔煙海猿叫楓林魚躍波桂旗翻翠幕
寒多女巫佇望飛裘度獨奏笙篴引曼歌椒觴奠罷
沈玄僻鳥沒遙天湛空碧遺情不結楚臺雲世人何
處尋蹤跡

蔡經宅

昆侖王者王方平身騎黃麟朝紫京舉手長辭漢公
卿得道不願世上名往來隱玄與朱明洞中各有白

玉城絳衣游空擁幢旌三山五嶽自按行冷風吹動
天樂鳴璫簫琅璈和鸞笙羽衛蹴踏山海崩龍車鶴
馭紛相迎嘯呼神官走吏兵魑魅魍魎號且驚暫來
經家駐雲程人馬不見但有聲虎頭鞮囊佩蒼精神
光赫然照軒楹授以至言可長生凡骨已作蟬蛻輕
麻姑來會隨仙盟芳姿娉婷似飛瓊言從昔年宴蓬
瀛又見弱水三淺清爪可爬背念始萌仙意已識遭
答榜餘杭阿姥酒罷傾攝景忽去煙雲橫家人悲望
空惻惻桑田回首幾變更神仙在世每自呈凡夫不
識等瞽盲丹元有田不解耕但愛狗苟還蠅營榮華

大全集卷九

五

未滿咎責盈忽化腐鬼歸荒瑩金丹可學道可成木
鑽石盤貴精誠誰能自拔水火坑飛游往來瑤樹英
千載或有歸來情

石崇墓

虬鬚欲怒珊瑚折步障圍春錦雲熱真珠換妾勝驚
鴻笑踏香塵如踏空酒闌金谷鶯花醉家逐樓前舞
裙墜財多買得東市愁羅綺散盡餘荒丘猶憐白首
同歸者坐伴遊魂楓樹下

初入京寓天界西閣對辛夷花懷徐七記室
去年寺裏開辛夷君來憶我曾題詩今年我來君已

去思君還對花開時欲尋花下君行迹日暮空庭古
苔碧殷勤把酒問花枝看過春風幾行客

答余新鄭

前年吳門初解兵君別故國當西行有司臨門暮驅
發道路風雨啼孩嬰倉黃不敢送出郭執手暫立懷
憂驚我時雖幸脫鋒鏑亂後生事無堪營移家江上
託地主閒園借得親鉏耨耕春朝起沐日照屋野卉雜
發鳴鸝鷓思君萬里不可見對此涕淚如盆傾有壺
當軒忍自酌有句在卷邀誰評走投北郭問消息一
客爲我言分明君初隨例詣闕下有旨謫徙鍾離城

大全集卷九

六

賣無囊金從無僕棄家獨去何惇惇長淮粘天趣前
渡牙眼怖客浮鼉鯨到州鞠躬謁太守脫去官籍儻
編氓城荒無屋寓來客旋乞廢地誅蓬荆異鄉何人
恤同患喜有楊子兼徐卿日高破竈煙未起閉戶不
絕哦詩聲去年聖恩念逐客特賜拂拭加朝纓勅君
赴汴聽銓擢路算舊驛猶千程沙河無雨夏雲熱茅
葦夾岸多蚊蟲舟中感癘得下泄刃攪腸腹聞啞嚶
荒途無藥相救療伏枕兩旬幾殞生終藉神明佑吉
士疾勢漸脫身強輕一官署作新鄭簿掾檄已去詢
田更我雖歷歷聽客語虛實未察憂難平初春天子

下明詔欲募前史羅儒英菲才亦辱使者召辭謝不
得來南京日斜出局訪君舍草滿陋巷春泥晴入門
小女識父友延拜學訴艱難情且云父意念家遠新
遣兩卒來相迎須臾出君寄我札上有秀句如瓊瓊
自陳前事頗一一與客舊說無虧盈讀終呼卒問彼
士卒言幾年經戰爭河山蕭條縣雖小民少奸詐多
淳誠春秋古稱鄩子國溱洧水活魴魚頰雌兔咻咻
草間走雄雉角角桑顛鳴谷深稀逢種田者時有射
戶樓山棚霜天赤棗收幾斛剝食可當江南杭官來
撫民務無事鞭挂壁上無敲榜寒廳吏散獨坐嘯遠

大金集卷九

七

對嵩少當檐楹聞之離抱頓舒豁如吸清露醒朝醒
便因卒還寄君語此邑小鮮聊試烹幸逢昌朝勿自
棄願更努力修嘉名吾皇親手擁高篲洒掃六合氛
塵清海中夷筐已入貢隴外戶版初來呈大開明堂
議禮樂學士濟濟登蓬瀛大廟冬烝薦朱瑟千畝春
藉垂青紘用材不肯略疎賤銖寸盡上天官衡况君
器落抱奇器不異一鶚秋空橫豈容久屈簿領下天
道始塞終當亨文章期君歸黼黻借問報政何時成

送林謨秀才東歸謁松江守

江城秋陰朝不暉落葉古巷人來稀林生何求乃過

我敗展躡雨投閒扉自言少習澤宮射思侶聚士登
王畿風塵失路因漂轉我豈無志時其違欲充材官
挽强弩關塞莫解窮武圍將從隱者服短褐霜露難
采荒山薇長年旅舍破瓊冷坐厭蟋蟀愁伊威諸侯
得意盡輕客顧影竟何門依南津昨夜沾杵動風
來燭前驚攬衣家人倚戶望應久宿春未辦悲慙歸
今朝江帆偶東轉願借子語爲光輝嗟余亦坐窮作
崇讀書不出遭罵譏士無賢否貧者鄙此言信矣誰
云非囊乏黃金可揮贈有詩豈救君腸飢雲間使君
本儒者貴顯尚肯矜寒微儻開深池養病鶴翼成待
看摩天飛

大全集卷九

八

題高彥敬雲山圖

尚書生長 臺下慣識風沙草漫野何由得見山水
鄉煙嶺雲林遠能寫平時四海作宦遊高興最愛江
南秋雲谿清曉剡谿晚閒解狂轡尋扁舟此中謝屐
曾經處半是啼鴉棲宿樹斷橋旗下問農歸遠寺鐘
邊訪僧去風流一沒歲未遙坐覽遺迹成前朝何當
遍覽畫中景聖恩已許從漁樵

美人摘阮圖歌

圓槽象月修寒玉暗貯宮商滿空腹美人和恨抱秋

風偷寫琴中舞鸞曲傾鬟低黛幾娉婷夢約湘娥倚
竹聽滴盡冰盤老蛟淚阿咸帳底醉初醒梧桐落翠
萋蘭紫仙澗流雲含玉子甲屏難障夜深寒恐踏驚
鴻忽飛起不識人間出塞聲瑤臺別有斷腸情調終
人去哀絃歇桂樹烏啼滿山月

贈丘老師

長春之孫自仙骨袖有蟠桃食遺核平生不學燒汞
方唾視黃金等何物滿城誰識舊庚桑白髮人中似
鶴長時上高樓惟獨醉搗皮書破罨塵香

玄武門觀虎圈

大全集卷九

九

目光燿燿卧深圈羽林獵士初擒獻腥風一嘯猶辟
人况在空山道中見莫憶橫行藜藿間且隨玄豹守
天關垂頭食肉嗟何補漢家將軍乃真虎

送許先生歸越

天子下詔徵賢良多士競逐風雲翔先生亦隨使者
起闕下再拜陳封章自稱前朝老進士白髮已短材
非長羣龍在廷翊昌運疲蹇豈足追騰驥乞還山林
養餘齒歌頌聖德傳無疆近臣上殿爲陳請天語特
許歸其鄉是時海國風雨涼道士莊下初栽秧故山
農事不可緩歸興條與高帆揚從容進退遂所願帝

恩甚大誰能量嗟余相逢恨苦晚忽去未免私心傷
明朝相憶望於越江水東逝何洋洋

送證上人住持道場

訶公昔年住寶坊龍象蹴踏騰毫芒袈裟曾侍玉座
傍萬衆闌聽講仁王弟子如雲來四方朝鐘暮鼓鳴
高堂西歸蔥嶺今幾霜鉢傳曇師道彌昌叢林主教
遇聖皇紫衣朝闕隨班行上人繼吐三葉芳衲中長
繫摩尼蒼人間萬念俱已忘獨好遊戲談文章我來
京師寄禪房每邀看月開修廊手橫蠅拂坐繩牀竹
間風吹煮茗香侍僮觸屏睡欲僵高殿宿鳥驚琅璫

大金集卷九

十

詩成金磬韻尚揚清才未必慙支湯有時夜剪園韭
嘗燈懸西齋雨浪浪人生聚散不可常翩然東遊主
道場道場乃在雲水鄉碧澗堂前去路長江湖寒縮
蛟蜃藏楓柏正赤橙柑黃煙銷日出聞漁榔洲渚宛
轉山低昂蕭然瓶錫隨經囊畱宿肯綮林中桑兵餘
莫嗟梵宇荒勝景未逐樓臺亡寺門無人閉夕陽芋
栗收作山中糧好說千偈恢禪綱麾斥佛祖誰敢當
我方無用縻太倉叨逐劒佩趨明光醉歌欲覓玄真
狂懷恩未得尋歸航明朝舉首空相望雲飛笠澤天

送王孝廉至京省其父待制後歸金華

君來金陵自金華遠道犖确驅行車空山北風正多
雪歲晚何事穿泥沙君言省覲敢辭苦况是日下非
天涯問安已畢起稱壽白門酒香還可賒明燈客窗
共夜語便覺春意迴寒槎予亦叨恩在京國早踏街
鼓聞初搗日斜歸來就空廡索寞不異投林鴉家人
千里望未至虛聽檐鵲鳴啞啞羨君父子此相見頓
起歡笑忘咨嗟異鄉逢人即可樂况爾骨肉誰能加
汝翁文章擅當世片語落紙爭傳誇身登昌朝列侍
從日曳珮玉趨南衙捧函當殿曉進史秉燭鎖院宵
書麻觀君才氣已略似青海異種多騶駟絲綸便可
令世掌胡爲趣別東還家阿婆在堂待調膳計日敢
使歸期差往來兩地慰親念如君孝意誠堪嘉勞勞
亭下冬日短江沐未解魚難又送君揖手忽已遠烏
巾獵獵風中斜重闌歸拜想無恙故園正見開梅花

穆陵行

永穆陵宋理宗陵也在會稽元至元初西僧
楊發輦真住請發宋諸陵許之旣取其殉寶
復以理宗頂骨爲飲器後籍入官以賜帝師
天兵克元詔求得之命有司歸葬焉

樓船載骨沈海水金槌畫入三泉裏空中玉馬不聞嘶
日落寢園秋色起魚燈夜滅隧戶開弓劍已出空
幽臺髡胡暗識寶氣盡六陵松柏悲風來玉顛深注
醅酥酒誤比戎王月支首百年帝魄泣穹廬醉骨飲
冤愁不朽幸逢中國真龍飛一甬雨露江南歸環珮
重遊故山月冬青樹死遺民非

世傳有士嘗竊諸帝骨埋屏處樹冬青爲

識

千秋誰解網南山世運興亡覆掌間起輦谷前馬

蹄散白草無人澆麥飯

獨遊山中憶周記室砥

借居水北鄰雲巖醒遊醉卧月滿山空山孤愁似放

大全集卷九

十一

逐踐蛇衝虎窮幽探緣梯上窺萬仞鉅垂綆下汲千
丈潭幽蘿翳壑變朝晦怪卉發澗畱春酣青山識我
豈生客曾與周子來聯驂是時秋高鶴聲厲霜降兩
崦纔收柑飯餘洗足上堂坐手揮談塵風颼颼如今
故人亦遠去帆葉暮落吳江南斷崖蒼蘚漫舊刻往
夢追想情何堪巴僧不厭客屢至篝燈夜禪同一龕
風迴忽灑石門雨日出盡消瀑布嵐乃知山水有深
趣天意獨許窮人語我今豈是慕高隱非木濫進能
無慙業緣種種去略盡惟有佳句猶相耽便求安心
向佛祖不待婚嫁女與男

贈墨翁沈蒙泉

南朝墨法稱奚家相國謬費盈連車堆金欲沽世已
少至今好事成咨嗟潘生後出亦奇絕峨嶺仙子嘗
相誇紫殿曾供寫飛白玉堂每用書官麻人間畱藏
敢輕試傳玩正比雲龍茶沈翁遠得二子妙珙舜自
美誰能瑕徂徠老節燒欲盡萬杵夜搗玄霜華錦囊
贈我忽在几光怪遊崖驚早鴉一餅團團未磨缺似
月食盡逢妖墓此物宜歸大手筆濡染竹帛垂無涯
上當紀頌聖功德下可論載臣忠邪我今才薄况病
退破硯久棄塵生窪一朝得此復何用慚註魚豕箋
蟲鰕摩挲忽動揮灑興聊吟險句追烏又高堂淋漓
爲君掃醉汗舊賜宮袍花

淮南張架閣家舊有樓在儀鑿江上經兵燹

已廢與予會吳中乞追賦之

秋風嘗歌遠遊篇樓中舉手招飛仙山奔海瀉盡供
覽逸思每出孤鴻前雕欄一別應非昨幾度淮南桂
花落酒酣却作望鄉人那得東歸似黃鶴風景如今
總厭看客愁何處更凭欄欲問日邊知遠近浮雲回
首蔽長安

題朱元暉雲山圖

海岳老仙非畫工自有丘壑藏胸中大兒揮灑亦莫
比妙趣政足傳家風敷文閣下書圍淨夢入空山覺
衣冷起招綵筆寫幽蹤一片飛來楚雲影彷彿三湘
與九嶷翠峰猶抹二娥眉水生江上鴻歸後樹暗沙
頭春去時蒼蒼遠渡連平麓煙火參差幾家屋林深
谷靜斷行人唯有禽聲啄枯木偶向高齋玩此圖斷
縑猶費千金沽自緣絕筆人間少如此雲山何處無

題朱氏梅雪軒

石城山居梅萬塢冒雪曾來扣僧戶爛然如見會羣
妃白鳳繽紛下瑤圃數片輕吹著鬢華乍看是雪又

大全集卷九

十四

疑花迷魂亂眼春如海那辨南枝映竹斜獨披鶴氅
穿林去凍屨寒梢應幾樹聽響方知夜灑時聞香始
識繁開處回首春風憶舊遊夢尋歸路隔羅浮年來
驢背無詩思醉踏塵埃空自愁閒道君家谿上下玉
蘂瓊英巧相亞履跡誰來東郭朝笛聲不起南樓夜
翠羽驚啼莫怨猜破寒宜共一樽開雪晴花發須拈
記我亦扁舟乘興來

和衍上人觀梅

籃輿偶出青山郭寒雨初晴凍雲薄梅花一路幾千
株半發園林半邨落夜窗轉曙雞欲驚寒谷回春蝶

應覺浩蕩才迷醉客魂嬋娟更伴幽人樂我來如蝶
東西飛不敢題詩慙筆閣歸來落月照書屋重覓餘
馨夢難托高僧已澄法眼觀也愛一枝供寂莫便拖
藜杖敲竹扉遮莫人嗔賓客惡風雨休嗟已亂飄世
間何物長如昨

題李德新中宗射鹿圖

赭袍玉帶虬髯怒人如真龍馬如虎英風猶似天可
汗肯信昏辱困韋武上林草綠聞呦呦飛鞚解歷梢
長楸畫旗圍合晚猶獵後庭雙陸誰行籌追遊不記
房陵辱五王謫來勢猶獨空誇大羽發無虛不射妖
狐射生鹿畫圖令人生感嗟天寶回首飄胡沙神孫
早解習祖藝不遣銜出宮中花

題趙希遠萬松金闕圖

長松掀髯若羣龍下繞宮闕雲千重鳳凰山頭望前
殿翠濤正涌金芙蓉海門日出潮初上白鶴飛來近
仙掌百官候綴紫宸班露滴朝衣氣森爽漢宮楊柳
唐宮花容易零落空繁華何如可獻至尊壽扶苓美
似安期瓜鑿輿因戀湖山好樓閣清陰勝蓬島不知
風雨汴陵前虜卒新樵幾株倒當日榻前初進圖黃
金趣賜聞傳呼何年流落在人世父老猶看思舊都

客行近過吳山下落葉空林惟敗瓦豈無畫史似前人秋色淒涼不堪寫

芥舟詩

佔客海上誇乘風大編遠戛龍魚宮恍如乘雲落天外不假羽翼行虛空驚濤拍山撼難動安卧每到扶桑紅回頭却笑垂釣子斷溝老葑畱孤蓬烏知達人解衣表坐視大塊舟航同風輪晝夜不停轉元氣下載浮鴻濛泰山亦與一塵等何以巨細論雌雄君今齋居何苦小自比置芥坳堂中將身便欲入無間險語乍出驚愚蒙我聞懸珠納萬象此事尚覺勞神功

大全集卷九

十六

萬千毫髮盡非有幻相欲別誰能窮君行莫鼓萬里舵天游閉戶隨西東何須更荷積水厚區區往問南華翁

題周遜學天香深處卷

仙芬染骨濃無跡秋入畫堂簾不隔夢尋老蟾煙霧迷碎落金蟲夜愁寂素娥舊我無兩叢萬古散吹秋滿空熏爐不熱象籠火人倚畫欄清影中蕙蘭暗泣幽馨歇只有瑤芳占涼月

象

海山巨獸堪乘戰番使前年遠來獻寶纓纏絡錦簷

垂拜舞如人向金殿仙仗時巡出鳳城車輿頗駕不
曾驚有牙莫畏焚軀禍天子深仁愛爾生

題茅叟夏山過雨圖

前山冥冥雲欲開後山隱隱猶聞雷江南六月風雨
過樹暗不見巫陽臺奔湍衝斷石橋路下瀉谷口相
喧逐陰開林壑鬼神去氣溼古洞蛟龍回人家出門
看新霽泥封墜果多楊梅漁樵欲歸謂已暝返照石
壁蟬鳴哀山中此景誰解寫茅翁素有丹青才新圖
一片似海岳高堂未展涼先來嗟余久逐揮汗客蓆
帽障日趨黃埃問翁幾欲東遊去如此畫圖安在哉

大全集卷九

七

偃松行

松在天平山
獅子巖下

龍門西岡魏公祠祠前有松多古枝長身蜿蜒橫數
畝巨石作枕相撐撐春泥半封朽死骨凍蘚盡裂皺
生皮無心昂聳上霄漢偃仰獨向荒山陞蟄雷破嶽
撼不動千載一夢醒何遲政如卧龍未起日深意有
待風雲期太湖月出照夜魄天峰雪積埋寒姿濤聲
時吼若斲息野老驚起山僧疑左伸右屈多異態天
自出巧非人為畫師安能把筆寫樵子豈敢操斤窺
杜陵枯枿已憔悴蜀相老柏非瑰奇何如此樹怪且
壽呵衛定想煩靈祇不知已閱幾人代游客過盡今

存誰明堂屢興不見取得全正愛同支離我嘗來觀
忍遽返醉坐其上高吟詩葛陂筇竹亦騰化神物終
去可久羈何當一叱使飛起載我萬里遊天池他年
還訪舊城郭正是白鶴歸來時

白馬澗

白馬何不居天閑乃在古寺長松間奇姿不受世羈
絡遠自竺國馱經還澗邊飲罷寒雲起恍惚化龍跳
入水空山夜雨不聞嘶埋沒蹄痕紫苔裏高僧一去
今幾年世上神駿還誰憐莫令老逐風塵子憔悴哀
鳴途路邊

大全集卷九

六

贈治冠梁生乞作高子羔舊樣

野人散髮秋半稀小冠宜著稱短衣清時無能恥思
澤朝簪乍脫歸田扉進賢峩峩在頭上此物須當付
卿相閉門方欲誦詩書煩君爲製依我樣

賦得烏衣巷送趙丞

差差舞羽多光彩鄉國初辭度雲海江南門巷有題
名識得當年故巢在春風三月滿京華肯入尋常百
姓家隨鶯已度龍池柳引蝶還穿鳳苑花綠蕪芳草
長千渚樓閣初晴社前雨江邊今日有離宮畱人看

上牆頭語

宿蔡邕夜起

四更雞叫七星爛獨起開門候
天旦月掛愁邊人影
低風驚夢裏烏羣散孤舟嫠婦寒
自泣破屋老農貧
屢歎早餐欲發未遑安客路飄零正多難

天閑青驄赤驃二馬歌

漢家諸將開經濟列宿儲精降人世
天遣同成一代
功亦有房星化騏驎青驄剪髮高作花
赤驃灑汗微
成霞人間何處得奇種恍惚西至踰流沙
年來百戰
從天子曾逐烏騅到江死不慙飽食玉山禾
天廐時
清少鞭使周王八駿去不來唐帝六馬應
凡材何如

大全集卷九

九

二龍總超絕蹴踏四海荆榛開閭宮
雙鞞頰廻顧萬
里長楸恐驚驚嘶處秋生閭闔風浴時
曉動昆明霧
一匹前牽一匹騎馳道每出隨龍旗
態閒步穩識上
意不敢搖頓黃金羈昨看巡狩還都邑
鏡吹聲催移
仗急羽林萬騎從如雲追逐飛塵豈能及
嗟哉此馬
不異人乘時際遇蓋有神請看垂耳鹽車者
那得昂
藏八尺身

同謝國史遊鍾山逢鐵冠先生

日日城中望鍾山孤塔縹緲峰
屏顏山靈嘲我不一
到但命俗駕趨塵闈聖恩今朝許休沐
得與謝客同

躋攀出郭未至景已好松風一派連清灣空林無人
遇釋子知有曲徑通禪關舉頭見寺去尚遠鐘磬響
落浮雲間登高不知已幾里但怪力盡愁平艱衆山
雜沓總在下如擁劔珮趨朝班時當嚴冬雪始霽古
木寒瘦泉流慳梁僧遺墓卧殘碣宋帝廢堋埋深菅
六朝陳蹟不可問但見石老莓苔頽豪華歇盡彤勝
在劫火幾度燒空殷鐵冠先生有道者往往人見騎
黃斑相迎爲指幽絕處淪茗畱坐聽潺湲莫嫌癡客
暮未返日墮江水鴉飛還欲營一遊豈易得長來不
比山僧閒

大全集卷九

十

喜家人至京

家人遠來如我歸骨肉已是鄉園非妻羸女病想行
苦塵土覆面風吹衣裝車日暮解牛軛呼燭買酒敲
鄰扉客懷乍見不得語一室相對情依依憶昨初蒙
使者徵遠別田舍來京畿小臣微賤等蟻蝨召對上
殿瞻天威詔從太史校金匱每旦珥筆趨彤闈春遊
禁苑侍鶴駕冬祀泰時隨龍旂有時青坊坐陪講宮
壺滿賜露恩輝草茅被寵已踰分不才寧免誚與譏
海鳥那知享鐘鼓野馬終懼遭籠鞮江湖浩蕩故山
遠歸夢每逐鴻南飛常時出院就空館僮僕愁對語

者稀知君在舍亦岑寂歲暮雨雪吟岬蟻今宵得見
信可樂如獲美饌飽我飢但憂兄姊尚遠隔言笑未
了仍歛歔何當乞還棄手版重理吳榜尋漁磯門前
親種一頃稻婢供井臼妻鳴機秋來租稅送縣畢邨
酒可醉雞豚肥誰言此願未易遂聖澤甚沛寧終違

北山觀猿

黑衣公子何嫋娜飛挂枯梢不愁墮幾迴呼下白雲
間拋賜曾嘗內園果家鄉何處是巴西回首煙蘿望
欲迷料得孤舟江上客月明少聽一聲啼

客舍雨中聽江卿吹簫

大合集卷九

五

客中久不聞絲竹此夕逢君吹紫玉斷猿哀鴈總驚
啼我亦無端淚相續數聲嫋嫋復嗚嗚散入寒雲細
欲無愁望洞庭空落木夢遊秦苑總荒蕪曲中只訴
君心苦不道人聽更淒楚關山燈下歎羈臣江浦舟
中泣嫠婦憶昨聞門費酒賞玉人邀坐弄參差彩霞
深院花開處明月高樓鶴去時如今忽在他鄉外風
雨寒窗兩憔悴恨無百斛金陵春同上鳳凰臺上醉
始知癡谷枯篁枝中有人間無限悲願君袖歸挂高
鉞莫更相逢容易吹

謝友人惠兜羅被歌

蠻工細擘冰蠶繭織得長衾謝縫剪蒙茸柳絮不愁
吹鋪壓高牀夜香軟朔風入關凋白榆塞寒此物時
當須明燈熾炭夕宴罷薦寢宜共紅氍毹海客揚帆
遊萬里得自崑崙國中市歸來遺我見遠情重似鴛
鴦合歡綺詩人鶴骨欺霜稜曾直禁署眠青綾自從
身退得閒卧只愛擁紙同山僧今朝得此何奇絕展
覆不憂兒踏裂便思清夢伴梅花靜掩寒窗聽風雪
越羅蜀錦安可常洞房美女謾熏香誰知一幅春雲
煖卽是溫柔堪老鄉

會宿成均汲玉兔泉煮茗諸君聯句不就因

大合集卷九

三

戲呈宋學士

白兔如嫌桂宮冷走入杏花壇下井嫦娥無伴每相
尋水底亭亭落孤影曾搗秋風玉臼霽至今泉味帶
天香玉堂仙翁欲飲客鹿盧夜半響空廊齋燈明滅
茶煙裏醉魂忽醒松風起只愁詩就失彌明殘雪滿
庭寒似水

高李迪先生大全集卷之十

七言古詩

題美人對鏡圖

曉院鹿盧鳴露井玉人夢斷梨雲冷
起開妝閣笑窺奩月裏分明見
娥影自對猶憐况主家春風一面斷
腸花何由鑄入青銅內不遣秋霜換
娥翠

送曹生歸新安山中

黃山西來九華連巖洞翁忽通雲煙
白鷺嶺下煉丹處瑤草獨秀今千年
三十六峰在青天仰面歷數舉

大全集卷十

馬鞭高林雜樹多未識風雨一過俱
蔥芊山深何物尤可憐秋禽幽鳴巧
如絃路迴澗阻似無地中有蒔藥千
家田雲間雞犬隔流水居人彷彿皆
神仙我欲窮遊久無緣羨君忽去尋
歸船猿聲兩岸谿幾曲白沙明月相
泐沿到時西峰草堂前應有攜酒來
華巔山人不喜說朝市但說久別情
依然塵埃舊褐便可脫濯費十斛山
中泉爲予淨掃石上葉早晚有意來
高眠

曉出城東門聞櫓聲

城門朝開路臨水人語煙中近魚市
誰搖飛櫓入蒼

茫帶夢驚鳧柳邊起過處寒波動拍沙遠聞嘔軋復
咿啞征夫車轉山頭阪工女機鳴竹外家我身本是
江湖客偶墮黃塵曉行役此聲空憶舊曾聽舟中酒
醒東方白

詠苑中泰吉了

不獨能言異凡鳥最愛佳名呼吉了雕籠幾度學雞
鳴驚起煙花六宮曉駕來別院未知迎先聽遙呼萬
歲聲願把春風一杯酒從今莫聽上林鶯

夏珪風雪歸莊圖

江雲粘波晚糝糊青山忽失如亡逋乾坤瑩淨冰作

大全集卷十

二

壺春意散入千林枯野橋古渡行人無清響瑟索鳴
殘蘆江天萬里一老夫短蓑如蟻舟如鳧魚寒入泥
不上眾歸來遠識漁邨孤柴門夜叩聞犬呼逕竹壓
折誰相扶山妻自炊稚子沽不羨炙肉圍紅爐嗟予
客遊歲屢徂詩囊隨驢走髯奴長安何處覓酒徒飛
花撲頭帽不烏旅舍無夢還江湖慙對風雪歸莊圖

始歸江上夜聞吳生歌因憶前歲別時

前年月夜聞君唱秋滿蘆花此江上一聲離思水茫
然雲逐孤帆共搖颺驚魚噴浪棲鶻飛木葉散落風
吹衣蓮歌盡歇松陵浦魚笛還沈笠澤磯停杯數到

臨終拍露下無聲斜漢白滿船相送盡悽然况我當
爲遠行客解紱今年別紫宸歸舟江上又逢君一尊
重聽當年曲相對渾疑夢裏聞東方欲曙餘聲絕悲
喜盈襟竟誰說願長把酒聽君歌從此天涯少離別

題董元戰沙龍

人間滴罷天瓢水歸護玄珠卧沙裏空潭白日不聞
雷雲霧俄隨轉身起誰言北苑筆意精頭角破屋將
飛騰細看圖畫何須恐曾謁真龍遊太清

松隱爲愛叔能賦

江邊柳樹谿邊花晉處士宅秦人家秋風忽來春雨
過坐看衰落俱堪嗟山中相依歲年久羨君獨結蒼
髯叟短褐長鑱不解耕茯苓作食花爲酒我今身似
浮雲閒正合著在長林間明朝儻許同棲泊便擬飛
隨白鶴還

蕭山尹明府吳越兩山亭

憶昔看山吳越遊酒酣鼓棹江中流左招舞鳳來百
里右顧卧龍橫半州崢嶸兩勢不相下氛翳淨掃當
高秋文身烏喙昔分處有國本是名諸侯區區仁暴
固無異朝吞暮并山應羞不知千載竟誰主伯氣倏
與飛煙收邇來此地有兵甲風景頗似當年愁黃雲

敬天道路遠我欲再尋應莫由聞君作亭壓此境坐
獲衆勝非窮搜江長不隔飛鳥渡峰多欲障斜陽畱
廢興自古屬造化登臨未須生百憂但當矯首望東
海一杯笑舉邀浮丘

贈賣墨陶叟

龍井老人稱墨仙有家近在荆谿邊鐵臼秋鳴竹屋
雨瓦溝春掃桐窗煙玄玉初成敢輕用萬里豹囊曾
入貢日長小殿試烏絲光遊驪珠欲浮動世間潘李
今已無黃金滿篋爭來沽詞臣供寫上林賦畫史藉
作瀛洲圖文物年來頗凋弊喪亂誰言少知貴便須

從子乞雙螺醉草檄書磨楯鼻

大全集卷十

四

虎丘行次朱賞靜見寄韻

我謀我隱西郭西讀書坐覺長身低出門到寺纔數
里野水沙竹生秋輝恨無酒舫漾落日百錢行自懸
青藜時危未卜久安宅幸遇勝地須扳躋山中况逢
暑雨過枇杷樹高陰滿池興來即遊興盡返迎送豈
要山僧知兩崖石根下插水綠藤倒拂風生漪空堂
朝鼓起龍蟄高塔夜鈴驚鶴棲人生在世本爲客隨
意且畱何必歸丘陵莫歎今日異城郭更恐他年非
蒼茫萬事孰可問孤鳥已沒空煙霏念君不遊何所

爲作字寄我如張芝真娘有靈應大笑把酒豈不延
題詩秋風今朝動江浦掛席正是當年期與君一弔
興廢迹荒臺古樹聞烏啼

鳳臺三益圖

元集賢院待制馮海粟公自號瀛洲客嘗被
斥遊金陵鳳凰臺作詩弔李謫仙好事者爲
作鳳凰臺遊圖近有詩示求題賦此塞之

謫仙昔作供奉臣詩語不合妃子嗔鑿坡無地容侍
直錦袍來醉金陵春金陵臺高鳳凰去西望長安竟
何處江聲空打石城潮山色猶橫歷陽樹騎鯨一去

大全集卷十

五

五百秋花草滿逕埋春愁瀛洲老客綠玉杖笑領賓
客還來遊才氣風流頗同調曾入金門待明詔當年
流落不自悲却問前人欲相弔可憐二子遭清時放
逐江海空題詩賴有高名足難朽何用粉墨他年垂
夕陽欄檻登臨後誰復來遊酌杯酒屐痕寂寞隱蒼
苔棲烏啼滿臺前柳

送張員外從軍越上

鷓鴣啼霜海城白誰掃行車出南陌刀頭裝得願酬
恩知是狂遊廣州客擊筑悲歌斗酒前又從飛將去
臨邊幕中草檄風生筆馬上吟詩月在鞦韆秋聲萬里

隨征鴈南北長江竟誰限明朝若上越王臺應有中
原陸沈歎

題陳節婦

節婦姓孫郡人陳已久之妻也已久客死節
婦守志其孫彥遜求題賦此

嬌兒笑語羅幃暮銀燭搖光夜香度狂風忽起海東
頭吹斷蘭州去時路去時豈惜千金軀煙濤竟沒珊
瑚樹精衛寃深水更深身小天高向誰訴寂寞塵奩
掩鏡光可憐不復照晨妝階前莫剪青青草生死終
身不下堂堂中素幔空時祭賴有孤兒拜虛位白日

大全集卷十

六

哀思眼不乾夜枕還流夢中淚妾本孤桐斷作琴
絃只作一絃音逢人不奏鳳凰曲別鶴離鸞夜夜心
晚步西郊見鴛鴦羣飛

平煙漠漠天蒼蒼牛羊不牧野草黃鴛鴦東來高作
行晴空忽墮數點霜紫塞碧海遙相望下視鳧鴨愁
陂塘書生見此心欲狂便思呼鶴上馬馳鸛鷄之裘
自倒披箭聲脫弦鳴餓鴟遠翮正落雙參差仰空拍
手誇絕奇豪氣服殺并州兒也勝閉門坐詠詩

次韻楊孟載早春見寄

雪後西園非初剪流澌晚動春塘淺閉門有客抱深

愁久不題詩硯生蘚風塵健兒誇得意獨坐寂寥誰
所遣應緣少學與時違不習弓刀誦文典城中勿貴
市門靜好事猶能具盃鬻琴堂朝夕共清歡舉白頻
浮不容免鈴騶已遊賓客醉深夜垣扉罷扁鍵一燈
留照對牀談沸鼎松聲烹綠葍五更上馬子先去擁
被獨眠窗日曉起聞啼鳥忽興發欲往江邊雲隔嶽
人家舊燕盡巢林草滿長洲絕遊輦春耕咫尺阻歸
計野水自流閒澹映吾鄉繁華天下稀花柳邨邨隨
步轉久聞離亂今始見煙火高低變峰發登臨吹笛
散羣羌此事空嗟千古鮮朝來風雨况淒黯雨溼城
頭旗不展鄰里銜泥備役夫縣官不召憐疲喘安居
且復俟時寧出豈無能非退卷范莊紅杏幾株在好
待開時同折撚對花憂患不須言剩喚一杯供脚軟

鹿

日煖呦呦草際鳴養馴未省見人驚雲山別却銜芝
侶來向朱欄花下行舊毛雪白新茸綠曾在宜春苑
中畜幾人逐走向中原輸與吾皇稱疾足

詠雪禁體次徐文學韻

邊城雪埋深沒斲風旋餘花吹酒盃幾人研虜渡冰
河直指彎弓不能滿我方高枕聽蕭瑟却喜今年瘴

全浣寒添柳院覺春遲明透竹窗驚夜短未成豪飲
圍翠袖且辨清吟呵象管鋪庭擁路掃難開三日不
消知待伴翻疑塞北雲正冷可信江南地先煖愁封
小窟僵蟄蟲驚折危柯頹巢卵林中樵絕暮無煙野
外獵來晨有嘯趙女依稀舞態斜郢人寂寞歌聲斷
此時自歎少清歡月下閑門誰解款山陰老客雖苦
病放曠猶能類中散長須踏雪送詩筒白戰令嚴烏
敢緩開簾尚恨不同賞醉看帽欷仍褻袒祗期明日
有晴曠遠訪梅花須勿懶

思夫山

大全集卷十

八

江上曾看望石湖中望見憶夫山夫君好采山中
藥獨得長生竟不還不似蕭郎與秦女乘鸞同去彩
雲間

題陶生兼寄周記室

馬頭交語臨長陌我手持杯君揖策官槐風起咽秋
蟬日暮偏傷遠行客故鄉故人離別多過江相見問
如何軍中莫笑書生怯還有熊當曳落河

倒挂

綠衣小鳳啼愁罷瘦影翻懸桂枝下芙蓉帳裏篆消
時解斂餘香散中夜鐘鼓迢迢鎖禁門宵衣未得奉

明恩五更香冷羅浮月相憶梅花應斷魂

苦寒書江上主人辭間

慘節欲盡郊原空北風五日吹沙蓬客子東遊骨肉
遠主人賴有江邊翁青燈白酒同傾瀉醉擁布衾茅
崖下中宵不敢愁苦寒猶有窮年遠行者

菜邁爲余唐卿賦

桂桐里中君始歸菜花滿園黃蜂飛桔槔倚樹長不
用江南雨多山土肥方畦獨遶看新綠晚食何須尚
思肉翠縷登盤春薤香金釵出盎冬菹熟我家亦在
蓴菰鄉秋風便應歸共嘗潮州司馬成何事回首空

愁足萬羊

送張進士會試

國家文治今百年多士商皆知天南宮坐試二三

策能使海內無遺賢院門晨開官燭爛白袍鵠立人

三十上談禮樂祖姬孔下議制度輕讎玄臨軒曾看

宰相賀雲瑞盡見當臚傳看花或騎太僕馬錫宴每

給司農錢登朝出牧知幾輩冠佩劔舄紛相聯邇來

國運屬中圯爭慕死節羞生全潯陽老守鬚汗赤山

東大將魂沉淵廼知儒術王政本至此尚賴扶傾顛

諸生區區抱遺籍草萊竄止亦可憐南方上公境獨

治鹿鳴更欲興賓筵入場又手萬言就衆目一葉驚
先穿嚴裝又隨計吏發京城遠瞻北斗連秋風吹雲
別酒冷枯楊淺水關門邊君行勿亟我有語落日正
在車衡縣竊聞天子正側席此去爲拜彤庭前揮毫
休奏醴泉頌給札莫賦凌雲篇但當開口論世事號
令次第宜何先坐令王綱復大正乾樞共仰天中旋
我今有志未能往矯首萬里雲茫然

明月舟

秦郵呂彥行題所寓室曰明月舟蓋取甓社

湖中有明月之句也

大全集卷十

十

明月非月舟非舟問君乘之何所遊風多浪高偏處
日暮欲渡令人愁此鄉偶似淮南佳醉客每來歌
白苧夜深天黑夢神光幾箇驚烏落高樹君才照因
不照車何用高隱江湖居嗟予未識青藜杖願借舟
中卧讀書

聽南康陳協律彈楚歌

我聞楚客彈楚聲初絃一揮邊馬驚嗚咽哀音動寒
月正如歌發漢軍營營中一曲還漸理想見彷徨帳
中起美人掩泣壯士悲寶劍無光黯秋水淒涼弄
悄欲終應憐歸騎阻江東蓋世英雄竟如此遺調空

畱感人耳四座相逢今夜聽霜風忽來庭樹零無言
有愁俱酒醒

京師苦寒

北風忽發浮雲昏積陰慘慘愁乾坤龍蛇蟄泥獸入
穴怪石凍裂生皴痕臨滄觀下飛雪滿橫江渡口驚
濤奔空山萬木盡立死未覺陽氣回深根茅檐老父
坐無褐舉首但望開朝暎苦寒如此豈宜客嗟我歲
晚飄羈魂尋常在舍信可樂牀頭每有松醪存山中
炭賤地爐煖兒女環坐忘卑尊鳥飛亦斷况來友十
日不敢開衡門榻來京師每晨出強逐車馬朝天闈

大全集卷十

十一

歸時顏色黯如土破屋暝作飢鳶蹲陌頭酒價雖苦
貴一斗三百誰能論急呼取醉徑高卧布被絮薄終
難溫却思健兒戍西北千里積雪連崑崙河冰踏碎
馬蹄熱夜斫堅壘收羌渾書坐只解弄口頰無力可
報朝廷恩不如早上乞身疏一蓑歸釣江南邨

約諸君遊范園看杏花

去年春色近清明萬匝煙花夾曉城西苑相逢車馬
問何人不是踏春行今年人迷去年道風雨不來花
自掃僧寺庭空半紫苔侯家宅廢皆青草縱然無主
一株存樵悴塵沙不可論野外日斜啼鳥散消愁無

處却消魂魏公園林芳塢下聞有柔枝正堪把休言
亂後少花看得到花前人亦寡明日尋君君莫違共
隨遊蝶弄晴暉閉門夢斷江南晚忍見迢迢春自歸
南州野人爲吳邑曾令賦

南州沃壤非泥塗清泉流渠歲不枯若人抱耒蘄水
上始志自比躬耕徒幸逢堯舜可在野起縮墨綬來
東吳一鞭不驅雨後犢兩馬已化空中鳧郭西春朝
布谷語柔桑綠雲連太湖下車殷勤問父老勸耕爲
汝犁先扶我本野人偶叨祿向汝未忍施鞭蒲五風
十雨和氣應勿遣寸土生蒿蕪太平却落雞犬靜社
飲自足歡妻孥但當相率了官務莫勞縣吏來催租
民言此令善教我斗酒相壽歌嗚嗚共問野人竟誰
是堂中鳴琴賢大夫

欲訪李孝廉至婁江遇風而回

船頭曉日浮江面東望青山是婁縣尋君此去愛潮
平出浦那知風色變雲煙翕忽波浪湧咫尺漁邨已
難見高樹巢傾鸛鶻愁深潭窟陟鼉龍戰舟師換舵
苦無力帆勢如蓬幾飄轉中流不進却歸來握手何
由遂初願人生會合應有時天意茫茫吾敢怨

夜泛湖至東舍

漁邨港頭初月上鷺鴨不收菰菰響隔湖煙寺遠鐘
來居人盡歸吾獨往寒風蕭蕭寒浪生舟中欠載酒
壺行東家未宿如相待黃葉青燈機杼鳴

午日有懷彥正幼文

去年歸鄉過重午柳雨莎風滿南浦白蓮閣上與君
吟遙憶徐君隔淮楚今年風雨又端陽却在秦淮憶
故鄉徐君已歸若相見應言前事一淒涼客愁欲斷
翻長笑人事推遷古難料明年未省又何之一杯且
聽江南調

鷗捕魚

木全集卷十

十三

秋江水冷無人渡羣鷗忍飢愁日暮白頭來往似漁
翁心思捕魚江水中眼明見魚深出水復恐魚驚隱
蘆葦須臾銜得上平沙鱗鬣半吞猶見尾江魚食盡
身不肥平生求飽苦多飢却猜人少忘機者海上相
逢不飛下

泉南兩義士歌

泉南兩士陳與孫少小相約爲弟昆合疎成戚契誼
重異木纏結如同根升堂握手出肺腑交拜二母開
壘樽具舟期賈海外域欲度夷鯁窮崑崙滄溟東望
浸天爛颺風怒攪波濤渾天吳恍惚出怖客掀舞鯨

解飛鵬鷗孫言陳宗惟子在遠涉巨險吾宜奔汝親
頭白倚門切慎勿輕去違晨昏相讓不得乃更往挂
席遙指扶桑瞰望山行覓鳥中國卉服通譯侏儻言
尋煙暮投薜荔屋趁墟晝集枕椰邨踰年還家喜得
寶木難火齊并瑤琨探囊用取兩不較屑屑彼我誰
復論急難相援誓終始歲時燕慶烹羔豚義風久已
動殊俗推結相見知欽尊我聞同氣有爭利鬪牆往
往隳家門又看結交許歲晚盟盤未撤渝情恩管鮑
居貧乃共濟餘耳得勢終相吞若茲二子古亦少簡
牘可使他年存作歌爲繼王子傳薄俗視此應堪敦

大金集卷十

十四

節婦吟

城頭黑雲如破屋車走爭門折千軸姚家新婦亦東
進舅姑驚惶兒女嗥自知數口難俱免欲渡前谿舟
尚遠屬夫棄妾當奉親獨赴清流不愛身此日誰能
問南史如婦曾書幾人死

立秋前三日過周南飲雷雨大作醉後走筆

書舜間

周郎乃是同鄉友亂後相逢驚老醜日斜邀我話舊
游爲喚金陵白門酒一杯乍解羈旅顏兩杯漸沃粘
吟口三杯不覺已陶然此身竟到無何有青天俄忽

震霹靂白浪翻江怒蛟吼急雨爭鳴池上荷狂風已
折門前柳醉中相對正坐忘七箸何須驚落手家人
喧呼水入戶顛倒屋茅隨地走牀牀避漏且莫歡早
氣方除賀田叟蓐收預到三日前淨掃炎氛去如帚
黃昏泥潦歸未得呼燭相畱卧東牖夜深酒醒起獨
行雲散城頭見星斗乃知天變只須臾人在艱難豈
云久

送張倅之雲間

鱸鄉亭前楓葉稀讀書堆下征鴈飛孤城迢遞秋色
裏作官自好休思歸扁舟晚待潮東去琴鶴由來是
家具別意方畱江上杯離心已挂雲間樹如此風流
一使君文章政事更何云絕憐退食兼榮養不向

望白雲

送王孝廉遊京歸錢塘

江南草長蝴蝶飛玉缸碧酒流春輝相逢上客同買
醉白馬新自燕山歸燕山歸來不堪說易水寒風薊
門雪朝邸空隨使者車帝閭不受書生謁笳聲杳渺
歌苦辛短衣笑拂京華塵不畱東閣觀奇士還覓西
湖別故人此行莫歎知音寡曾到黃金舊臺下荒臺
遺址今已平更有何人致賢者

望月臺

臺前夜半烏啼時起望明月彈商絳月來照見臺上影松桂滿山風露冷

愛竹軒爲陳維寅賦

匡山老客何清真自繞園屋栽蒼筠年來無肉雖苦瘦家有萬玉誰言貧一竿護惜不忍剪何以持釣橫江鱗僮來掃葉自可喜客至踏筍長遭嗔輟輟罷結遠夢碧雲忽墮湘南春涼陰脩脩潤琴硯落翠冉冉沾衣巾詩成時向節下寫醉墨點破煙痕新風來清嘯與相答若聽金奏怡我神知無顏色媚兒女自古相愛惟幽人洛陽陌上花易過歌鐘競賞勞車輪何如此君最耐久歲晚結托同情親亂聲朝送簾外雨疎影夜拂窗前塵我嘗種此欲免俗亂後伐盡惟荆榛故園咫尺未能去移家幸得爲子鄰往來儻許如二仲敲門借看毋嫌頻

釣雪灘

江流欲澌魚不起一蓑猶釣寒蘆裏漁邨茫茫煙火微雪滿晚蓬人獨歸

幻住精舍尋梅

郭西雪後尋僧院短竹穿沙水如練梅花有待我來

催十日春寒未開遍忽思前日渡江水夜解征帆宿
山縣偶逢一樹在官廨爲寫新詩冰滿硯關山夢別
今五年縞袂誰家月中見自慙喪亂尚飄泊淚眼如
看故人面黃昏酒醒逐寒影繞樹千迴意無倦南枝
北枝亂如雪未許東風吹一片名園桃李盡荆榛空
谷獨開君莫怨重來省視兩何如惆悵歸時有餘戀
北郭秋夜喜徐卿遠來兼南遊

東海徐君我同里日共周旋接冠履斯人自是真可
人不見心憂見之喜豈容遠別間出岳兩歲僅收書
一紙頗間微祿不自養霧雨南方疫時起誰能忽送

千里來應有飛鴻渡江水蟲聲今夜空館涼秉燭相
看疑夢裏瓊枝何以失舊色客路風塵亦勞矣我今
不解出門行病眼流眵肉生髀與奪得喪未足較惟
有一貧聊復爾暫來即去何使然撫琴東西覓知己
當時結交豈不多下車相揖今無幾願君窮達存此
心勿使千羊笑餘耳

次韻荅朱冠軍遊城西之作

前年城西作冶遊柳條拂蓋花迷舟笑看明月問狂
客我舉大白君當浮去年城西復偶住酒伴家家邀
即去東鄰寺裏花正開半醉半醒遊幾度今年有花

愁獨尋閉門三日卧春陰將軍小隊遊何處日暮空
聽車馬音臯橋秦娘殊窈窕爲我喚來歌永調客愁
草草不易除世事茫茫本難料玉壺一雙秋露傾唯
此可以忘吾情醉歸共射草中石笑劈弓弦霹靂鳴

贈步鍊師禱雨

白頭道士騎一鶴手把青蓮下窠廓人間又見海田
枯十丈黃塵沒城郭昔年服事茅長君能役鬼神呼
風雲下爲羣生掃旱沴雨工驅起如羊羣陰雷填填
天欲怒靈飈吹旗紫壇暮書入重關虎豹開鐔沉古
井蛟龍護須臾甘澍何滂沱十日不雨應無禾祠官
空爲大雩舞覲女羞作迎神歌明朝師歸定何許雲
裏懸珠火如黍更煩夜起把天瓢翻作東南洗兵雨

題朱澤民荆南舊業圖

睢陽醉磨一斗墨夢落荆南寫秋色大陰垂雨尚淋
漓哀壑回風更蕭瑟楓林思入煙霧清湖水愁翻浪
波白谿上初逢野老航山中遠見先生宅秫田半頃
連芋區茅屋三間倚蘿薜僧來看竹乘小輿客去尋
苓借高屐任公臺下石可坐周侯廟前路曾識虎迹
時畱暮苔紫蛟氣或化秋雲黑城郭當年別已久風
塵此日歸不得落日書齋半壁明圖畫卧對空相憶

月支王頭飲器歌

磧中萬騎驕嘶雪頭挂金鞍敵初滅歸來添作太白
盃胡酒寒凝色如血故國無榮歸夢迷朽骨飲恨空
如泥琵琶聲中鬼語雜酥燈照夜風淒淒崑崙倒瀉
黃河入袍汗淋漓疑淚溼部落誰酌國士恩尊前一
夜無聲泣烏縣降王猶疾首起奉單于千萬壽

海石爲張記室賦

大星墮水聲若吼祖龍夜叱神羊走誰將五色補天
餘屹障狂瀾歲時久空憐山頭精衛鳥身墮風波衝
不了媧皇去後幾桑田鼈背靈峰一拳小

大全集卷十

九

張中丞廟

延秋門上烏啼霜羯奴曉登天子牀江頭老已淚暗
滴萬乘西去關山長公卿相率作降虜草間拜泣如
羣羊當時不識顏平原豈復知有張睢陽孤城落日
百戰後瘦馬食尾人裹瘡男兒竟爲忠義死碧血滿
地嗟誰藏賀蘭不斬上方劔英雄有恨何時忘千年
海上見祠廟古苔叢木秋風荒摩挲畫壁塵網裏勇
氣燁燁虬髯張巫歌大招客酌酒忠魂或能來故鄉

